

## هفت نفر انتخاب بوبوستیدی خدمت کودن ره

۱ او روزان کی ایمانداران تعداد اضافه بوستی، ایمانداران یونانی زبان، جه ایمانداران عبرانی زبان گله و شکایت کودیدی کی «جیره ی روزانه ی غذا به امی بیوه زناکان فرسه.» ۲ هن وستی اون دوازده تا رسول، تومامی ایمانداران دوخوایدی و بوگفتیدی: «شایسته نیه کی امان غذا فدن وستی خودا کلام تعلیم جا دس بکشیم تا مردوم غذا فدیم. ۳ پس ای براران، شیمی میان هفت نفر انتخاب بوکونید کی مورد اعتماد بیید و حکمت و روح القدس جا پوریدی تا خدمت اوشان فدیم ۴ و امان، خودمان وقف دعا بوکونیم و خودا کلام تعلیم بدیم.»

۵ همه تان پیشنهاد قبول بوکودیدی. پس استیفان، کی جه ایمانداران دیگر غیرت ویشتری نشان دی و روح القدس جا پور بو و فیلیپس، پروخروس، نیکانور، تیمون، پرمیناس و نیکولائوس امرأ، کی ایتا غیریهودی انطاکیه شین بو کی به دین یهودیت پیوسته بو و

بعدش هم ایمان باورده و مسیحی بوبوسته، انتخاب بوکودیدی.  
۶ ایمانداران او مرداگان باوردیدی رسولان و رجه و رسولانم اوشان ره  
دعا بوکودیدی و بر اوشان دس بنهیدی. ۷ بزین خودا کلام اعلام  
بوستی و روز به روزم ایمانداران تعداد، اورشليم میان اضافه بوستی  
و کاهنان زیادی هم به عیسی مسیح نام ایمان آوردیدی.